

დოქტრინა

საქართველოს
1933 წლიდან

საქართველოს კომპარტიის ცენტრალური კომიტეტისა და
ცენტრალური სახალხო დეპუტატთა რაიონული საბჭოს ორგანო

№113 (6339)

20 სექტემბერი 1990 წელი ხუთშაბათი უსი 3 კაპიკი

საქართველოს კომპარტიის ცენტრალური კომიტეტის პლენუმი

16 სექტემბერს გაიმართა საქართველოს კომპარტიის ცენტრალური კომიტეტის პლენუმი, რომელზეც მოწვეული იყვნენ პარტიის საოლქო, საქალაქო და რაიონული კომიტეტების პირველი მდივნები, საქართველოს კომპარტიის XXVIII ყრილობის სარედაქციო კომისიის წევრები, მთელი რიგი პარტიული კომიტეტების მდივნები, სოცდემო სამინისტროს, სახელმწიფო კომიტეტისა და უწყებების ხელმძღვანელები, რომლებიც არ შეიძლება რესპუბლიკის კომპარტიის ცენტრალური კომიტეტისა და სარევიზიო კომისიის შემადგენლობაში, მასობრივი ინფორმაციის საშუალებათა წარმომადგენლები.

პლენუმმა განიხილა შემდეგი საკითხები: რესპუბლიკის საზოგადოებრივ-პოლიტიკური ვითარება და საქართველოს კომპარტიის წინასაარჩევნო პოლიტიკა;

საქართველოს კომპარტიის წინასაარჩევნო პროგრამა;

საქართველოს უზენაესი საბჭოს არჩევნების კამპანიასა და დეპუტატობის კანდიდატთა პარტიული სიის ფორმირებაში საქართველოს

კომპარტიის მონაწილეობის ორგანიზაციული უზრუნველყოფისათვის მუშაობა.

დღის წესრიგის პირველ ორ საკითხზე მოხსენება გააკეთა საქართველოს კომპარტიის ცენტრალური კომიტეტის მდივანმა ვ. ა. გუგუნიძემ.

მესამე საკითხზე ინფორმაცია გააკეთა საქართველოს კომპარტიის ცენტრალური კომიტეტის მდივანმა ბონდო ჯიქიამ.

კამათში მონაწილეობდნენ საქართველოს კომპარტიის თბილისის საქალაქო კომიტეტის მეორე მდივანი ანტონ ინგოროყვა, საქართველოს კომპარტიის აჭარის საოლქო კომიტეტის მეორე მდივანი ნუგზარ ნადარია, საქართველოს კომპარტიის ახალციხის რაიკომის პირველი მდივანი თემურ მოსიაშვილი, ქართული ენციკლოპედიის მთავარი რედაქტორის პირველი მოადგილე ავთანდილ საყვარელიძე, საქართველოს კომპარტიის წითელწყაროს რაიკომის პირველი მდივანი ბეჟან გონაშვილი, საქართველოს სსრ სახალხო კონტროლის კომიტეტის თავმჯდომარე ეიული მარტავა, რესპუბლიკის სტატსახკომის თავმჯდომარე

ჯდომარე რევაზ ბასარია, საქართველოს კომპარტიის ყვარლის რაიკომის პირველი მდივანი თემურ ოსეშვილი, გაზეთ „ზარია ვოსტოკის“ რედაქტორი გარამ კეშელავა, საქართველოს სსრ მინისტრთა საბჭოს თავმჯდომარე ნოდარ ჭითანავა, საქართველოს კომპარტიის ლანჩხუთის რაიკომის პირველი მდივანი ემზარ ბერიძე, რესპუბლიკის სახმომარაგების თავმჯდომარე ვილფრად ალაიძე, საქართველოს კომპარტიის ცენტრალური კომიტეტთან არსებული პარტიული კონტროლის კომისიის თავმჯდომარე სერგო რიგვაია, თბილისის კამეოლ-მაულის კომბინატის „საქართველოს“ პარტიკომის მდივანი მიხეილ ბახტაძე.

პლენუმზე გამოვიდა საქართველოს კომპარტიის ცენტრალური კომიტეტის პირველი მდივანი გივი გუმბარიძე.

განხილულ საკითხებზე პლენუმმა მიიღო შესაბამისი დადგენილება.

საქართველოს კომპარტიის ცენტრალური კომიტეტის პლენუმის პრეზიდიუმი.

დღი ხანი არ არის, რაც ჩვენს ცხოვრებაში ახალი ცნებები შემოვიდა: გლეხური მეურნეობა, თავისუფალი გლეხი. შეიქმნა ახალი გაერთიანებები, გლეხთა კავშირები, ასოციაციები, პარტიები კი. ბუნებრივია, ეს უნდა მომხდარიყო კოლმეურნეობების და სხვა საზოგადოებრივი მეურნეობების დაშლის პარალელურად, რომლებსაც ხელთ უპყრიათ მონოპოლია სასოფლო-სამეურნეო წარმოებაზე. კოლმეურნეობების დაშლის გარეშე გლეხის შრომის გათავისუფლებაზე ლაპარაკი არ შეიძლება. გესურს ყბადაღებული სასურსათო პროგრამის შესრულება, პროდუქტების სიუხვის შექმნა? — მაშ, ერთხელ და სამუდამოდ უარი უნდა ვთქვათ სოფლის გამჩანაგებელ ამ ჭიმურაზე. განსაკუთრებით ამას უნდა ესწრა-

ფვოდეს ყველა მალაღობიანი, მცირემიწიანი რეგიონი, სადაც საზოგადოებრივი მეურნეობები არარენტაბელური და ზარალიანია.

გაქვენურება დანაშაულია

ბევრი დავის, აზრთა შეხლავთ მოხლის, მრავალჯერადი გადავადების შემდეგ, როგორც იქნა გადაწყდა ჩვენი რაიონის საზოგადოებრივი მეურნეობებში კოლმეურნეთა საერთო კრებების ჩატარება იმის გასარკვევად, სურს თუ არა გლეხს ძველმეურნეობაში უმეტეს მეურნეობებში ასეთი კრებები უკვე ჩატარდა და ზოგ-ზოგების მტკიცების საწინააღმდეგოდ მიღებული იქნა გადაწყვეტილება კოლექტი-

მისაგვად დღემდე. მხოლოდ ესაა, გადაწყვეტილება ჯერ-ჯერობით ქალაქზე რჩება. პრაქტიკული ნაბიჯები თითქმის არ გადადგმულა, თუ არ ჩავთვლით ორბელისა და ტეშის კოლმეურნეობებს, სადაც გაუქმების შესახებ გადაწყვეტილებების მიღებისთანავე დაიწყეს მიწების აზომვა-განაწილება.

მიუხედავად გარკვეული სიძნელებისა, რაც გამოიხატება მიწის კანონმდებლობის საფუძველების ძველთან იდენტურობაში,

როგორ ვიმჯდებით რთველისათვის? რაიონული ბიბლიოთეკა

რთველი მუშა კაცის ზეიმაია, და ეს მართლაც ასეა, ლეჩხუმელი მეწვრე მუდამ ამაღლებული განწყობით ხედეოდა და ხედეოდა რთველს. სამწუხაროა, მაგრამ ფაქტია, რომ ამ რამდენიმე ხნის წინ ანტიკოლმეურნეობის კანონმდებლობის ნაჩქარევად მიღებამ, ჩვენთანაც შეამცირა ზერების ფართობი, მაგრამ ვინც ნამდვილი მუშა კაცია, ვისაც მამა-პაპიდან მოსდგამს ვაჟის სიყვარული, მისთვის არაფერი შეცვლილა.

ახლა კი ყურძნის ფასების საგრძნობი გაზრდა გარკვეულწილად დაინტერესებს მეწვრეებს და განახლების ჯარით პერსპექტივებს სახავს ჩვენთან მეღვინეობა-მევენახეობის განვითარება-აღორძინების გზაზე.

ოჯალღში ორბელის მიკრორეგიონში გავრცელებული ყურძნის ჯიშია, რომელსაც აქაური მოსახლეობა მაღალ ფასებში თერჯოლის საკონსერვო კომბინატს აბარებდა. ეს ბევრ სიძნელეებთან იყო დაკავშირებული, ახლა კი დასმულია საკითხი ზემდგომ ორგანოებში, რომ ჩვენვე ავანაშლაურით გადიდებული ფასი და მოსახლეობამ სხვაგან კი არ წაიღოს, ადგილზე, ორბელის ღვინის საწარმოს ჩააბაროს მის მიერ მო-

წვეული ყურძენი. გარდა ამისა, კიდევ ბევრი სიახლით ხედეოა საწარმო მოახლოებულ სეზონს, რასაც დაახლოებით ერთი თვე გვაშორებს. აქამდე საწარმოს ელექტროენერგიით კვება ორბელისიდან ხდებოდა, დამველებული ზაზები ბევრ სიძნელეებს ქმნიდა ელექტროენერგიით მომარაგების საქმეში. ახლა კი დავაწყეთ ახალი ზაზების გაყვანა, რომელიც ჩართო საწარმოს მაზლობად გამავალი მაღალი ძაბვის ღენზე და ამერიდან ელექტროენერგიით საწარმოს უზრუნველყოფის საქმეში შეფერხებას ადგილი აღარ ექნება.

გარდა ამისა, მიმდინარე რემონტი უკვე ჩაუტარდა საწარმოს მიმდებ განყოფილებაში არსებულ ბუნკერებს, გარემონტებულია და მზადყოფნაშია ყურძნის წითელი ჯიშების სადულარი კოდები, ამასთან თვით შენობა გადახურული, დაცული და მოყვანილია წესრიგში.

ასე რომ, საწარმო გეგმიით უნდა მიიღოს და გადაამუშაოს 1500 ტონა ყურძენი, თუკი მოსავალი იქნება, შესაძლებლობა კიდევ მეტისა გვაქვს.

შ. ჩაჩიანი.
ორბელის ღვინის საწარმოს უფროსი მეღვინე.

ჩვენი ღვინის აღმშენებელი

არინა აღმშენებელი, რომლებიც წყნარად, უხმაუროდ, ყოველგვარი პრეტენზიის გარეშე შესდგომიან ცხოვრების სიძნელეებს და არავისგან ქება-დიდებას არ ითხოვენ, საქმის ერთგულებით, თა-

ერთგულებაში ხედავს.

სწორედ მისი კარგი ქალობის შედეგია, რომ საუკეთესოდ მოწყობილ კარ-მიდამოში თვალშისაცემი სიუხვე და ბარაქა იგრძნობა, როგორც საკუთარს, ისე უცლელა და უვლის კოლმეურნეობიდან ჯერჯერობით იჯარით აღებული 0,2 ჰექტარ სასიმინდეს და 0,06 ჰექტარ ზეარს. ჯერჯერობით იჯარით აღებულიო—გამოძიო, რადგან აღმშენებლის კოლმეურნეობა უკვე მზადაა გლეხურ მეურნეობაზე გადასასვლელად და იჯარით კუთვნილი მიწის ფართობი სრულ საკუთრებაში გადაეცემა შრომელ ქალს.

პირუტყვისა და ფრინველის სიმრავლეა მაყვალა ხუციძის კარ-მიდამოში. იგი მზადაა საკარ-მიდამო მეურნეობაში გამოზრდილი—250 კილოგრამზე მეტი წონის ფური სახელმწიფოს ჩააბაროს.

მისი

მთავარი

მიზანი

ნასოფლელებთან დამოკიდებულებით მოიპოვა სახელი და ავტორიტეტი საირმელმა ქალმა მაყვალა ხუციძემ. კარგი ოჯახის დიასახლისს, ღვინისა და მეფლეს კარგად აქვს შეგნებული საქართველოს ღვინის მდგომარეობა, ხსნის გზას მშრომელი ქალი ერთმანეთისადმი პატივისცემაში, მიმტევებლობასა და

მეურნეობა ამგვარი უთავბოლობის კვლავ გაგრძელების შემთხვევაში, ან იქნებ ვინმეს აძლევს ხელს, რაც შეიძლება დიდადს გაგრძელდეს ასე? ამღვრეულ წყალში ხომ თევზი გაცილებით ადვილი დასაპერია და ამგვარი იოლი თევზაობის მსურველებიც ბევრია ჩვენში. ვაი, რომ ეს უფრო ჰგავს სიმართლეს.

დრო მოკითხავს ყველას, ჩინიანსაც და უჩინოსაც. კეთილი, სასარგებლო საქმის დანაშაულებრივ გაქიანურებას სიკეთე არ მოყვება.

საჭიროა, რაც შეიძლება უმოკლეს ვადებში, მაქსიმალურად უმტკივნეულოდ დაგვარდეს გლეხურ მეურნეობებზე გადასვლის პროცესი.

გაქიანურება დანაშაულია!

ია ხეილია.

უფლებათა

ხელშეუვალი

ნათელი

მრავალი შვილი საქართველოს უკვდავება

გამართიანების უფლება არის ადამიანებისა და მოქალაქეთა უფლებების ხელშეუვალი ნაწილი. ამ სიტყვებით იწყება პროექტი კანონის საზოგადოებრივი გაერთიანება შესახებ, რომელსაც ჩვენი საზოგადოება უკვე დიდი ხანია რაც ელოდება. საკდესის კორესპონდენტმა ა. ალადასკიმ პროექტის განმარტება სთხოვა საბჭოთა კავშირის მეცნიერებათა აკადემიის სახელმწიფოსა და სამართლის ინსტიტუტის საზოგადოებრივ ორგანიზაციასა საპრობლემო ჯგუფის ხელმძღვანელს ა. ვ. შუტკოს.

—უნდა ითქვას, რომ ამ საზოგადოებრივ გაერთიანებათა რეგულაციის საქმიანობა დიდი ხანია წარმოიშვა, — თქვა მან. — და საკავშირო ორგანოებმა, როგორც სამეცნიერო განყოფილება, ისევე სახელმწიფო ორგანოებმა, ეს მუდმივად დაგვიანეს. ამან გამოიწვია ის, რომ რიგმა რესპუბლიკებმა — ლიტვამ, ესტონეთმა, საქართველომ, მოლდავეთმა, ტაჯიკეთმა, ყაზახეთმა — უკანასკნელ ორ წელიწადში თავიანთი საკანონმდებლო აქტები მიიღეს.

ეს პროექტი მე უზარმაზარ წინ გადადგმულ ნაბიჯად მიმაჩნია ჩვენს კანონმდებლობაში საერთოდ და, კერძოდ, მოქალაქეთა პოლიტიკურ უფლებათა და თავისუფლებათა რეალიზაციაში, მთავრია, რომ ახალი კანონით საზოგადოებრივ გაერთიანებათა შესაქმნელად შესაბამის სახელმწიფო ორგანოებთან არავითარი წინასწარი შეთანხმება აღარ არის საჭირო.

დამფუძნებლები ატარებენ ყრილობას, კონფერენციას, ირჩევენ ხელმძღვანელ ორგანოებს, იღებენ წესდებებს და ამის შემდეგ უკვე რეგისტრაციაში ატარებენ წესდებებს. ასე იწყება ჩვენში პირველად საქმით განხორციელება ასოციაციების თავისუფლებისა, რისთვისაც იბრძოდნენ რუსეთში განმათავისუფლებელი მოძრაობები, დაწყებული დეკაბრისტებიდან სოციალ-დემოკრატებამდე.

—ნიშნავს თუ არა ეს, რომ ყველა საზოგადოებრივ გაერთიანებას შეუძლია რეგისტრაციაში გატარდეს?

—არა, ყველას არ შეუძლია. მე მხედველობაში მაქვს პოლიტიკური პარტიების რეგისტრაცია. უნდა გავითვალისწინოთ, რომ კანონის პროექტი შემუშავებულია ადამიანის უფლებათა საყოველთაო დეკლარაციისა და სხვა ეროვნულ და საერთაშორისო აქტების შესაბამისად.

მე მგონია, რომ ჩვენთან, იმისათვის, რომ არ იყოს დეზორგანიზაცია პოლიტიკურ ცხოვრებაში, საჭიროა მნიშვნელოვნად ავამაღლოთ პარტიის შექმნის ლიმიტის თამაში.

და მეორეც — ზედმეტი არ იქნებოდა, როგორც ეს ზოგიერთ კაპიტალისტურ ქვეყანაში ხდება, პირდაპირ მიუფიქროთ, რომ დაუშვებელია ეგრეთ წოდებული ადგილობრივი პარტიების შექმნა. მე მხედველობაში მაქვს საქალაქო, საოლქო, ესეც ხომ ატარებს საზოგადოების დეზორგანიზაციის ელემენტს.

—განა არ შეიძლება წარმოიშვას ეგრეთ წოდებული „მცირე პარტიები“? რა დიდი რამე სჭირდება ათასი ხელმოწერის შეგროვებას, როცა მიწერების ასეთი ნაცადი ტრადიცია გვაქვს?

—ამის არ უნდა გვეშინოდეს. ჯერ ერთი — პარტიის შემადგენლობის შესახებ პეტიციაში მითითებული უნდა იყოს ყველა წევრის მისამართი, ხელმოწერა. მეორე — თუ ადგილი ექნება თაღლითობას, მათ პასუხს მოსთხოვენ კანონით, როგორც თაღლითებს, სხვათა შორის, ეს გათვალისწინებულია პროექტშიც. მე-20 მუხლში ნათქვამია, რომ კანონმდებლობის დარღვევისათვის პასუხისმგებლობა ეკისრებათ როგორც სახელმწიფო ორგანოების თანამდებობის პირებს, ისე მოქალაქეებსაც.

—გარდა საბჭოთა კავშირის კომუნისტური პარტიისა ჩვენთან არის კიდევ რეგისტრირებული სხვა პოლიტიკური პარტიები?

—ცალკეულ რესპუბლიკებში გვაქვს. მაგალითად, ესტონეთში უკვე სამი პარტიაა რეგისტრირებული, ასეთ ფაქტებს ადგილი აქვს აგრეთვე ბალტიისპირეთის სხვა რესპუბლიკებშიც. ლიტვაში ერთი პარტიის რეგისტრაცია თვით ცნობილ თარიღამდე — 11 მარტამდეც კი მოასწრეს.

—ვინ გაუწევს კონტროლს საზოგადოებრივ ორგანიზაციათა საქმიანობას?

—საბჭოთა კავშირის გენერალური პროკურორი და მისდამი დაქვემდებარებული პროკურორები.

დღეს დემოგრაფიული პრობლემა ქართველთათვის ერთ-ერთი მტკივნეული და აქტუალურია, რადგან ექსის სიმტკიცე და ძლიერება მრავალშვილიანი ოჯახებია. აფერუმ მენს ქალობას უსახელოვლო ვარდო ასათიანო, რვა შვილის გამზრდეს.

დემოგრაფიული პრობლემა

დღეს დემოგრაფიული პრობლემა ქართველთათვის ერთ-ერთი მტკივნეული და აქტუალურია, რადგან ექსის სიმტკიცე და ძლიერება მრავალშვილიანი ოჯახებია. აფერუმ მენს ქალობას უსახელოვლო ვარდო ასათიანო, რვა შვილის გამზრდეს.

რიოდი, მაგრამ მუშაობს დაუწყვეტად. ყველაფერს მრავალშვილიან ოჯახში — გაჩნდნენ გულგრილი, ციცი, მურადი, მზია, თაილი, ვენდი. ერთმანეთზე უკეთესები. ბრომასა და სწავლაში, რა ბედნიერად გრძნობდა თავს მრავალი შვილის დედა, რომ... მალე მეუღლე გამოეცალა. ვარდო და სტრიალებდა შვილებს, უმამობას არ აგრძნობინებდა.

რომ თავისი გაიტანა, ქალბატონი ვარდო დღე და ღამე ასწორებდა, რომ შვილები პატიოსანი და შრომისმოყვარენი აღეზარდა. ახლა რვავე დაოჯახებულია. სოფელში მამის ფუძეზე მურადი დარჩა, ღამაჲ კარმდამოში ორსართულიანი სახლი წამოიჭიმა. ოჯახმა ლხინთან ერთად ჭირიც ნახა — ქალიშვილები გულიკო და ლედი ნადრე ვად დაქვრივდნენ, მაგრამ სიმწარეს ჯერჯერობით თვრამეტი შვილიშვილი უმსუბუქებს. ზაფხულობით ბებიასთან რომ თავს შეიყრიან.

სოფელში ვარდოზე მითხრეს, მარტო ოჯახში კი არა, მურადის ყანასა და ზეარში მუშაობაშიც ეხმარება.

—დღეს რომ პირობები აქვთ ქალებს, ამის ნახევარი რომ მქონოდა, თხუთმეტ შვილს გავზრდიდი.

დაე სიხარული, სიმრავლე და ბედნიერება არ მოეშალოს კერძოლიერ, ფუძე-მაგარ, მრავალშვილიან ქართულ ოჯახს.

ბ. ბაბრამი.

ჩვენს სიმდიდრეს ჩვენვე უნდა მიგხედოთ!

ჩვენს ლაპარაკს, მთიანი კუთხე წყალტუბოს მხრიდან შემოსასვლელში. სტუმარს ლაპარაკში, ქვეში კვეთილი წყაროთი ხიბლავს. არ შეიძლება მგზავრმა, რა სახის ტრანსპორტითა უნდა მგზავრობდეს, არ შეისვენოს და მიწიდან მოქუხარ ცივ წყალს არ დაეწიფოს.

ბევრმა შეიძლება არც კი იცის, რომ ამ წყაროდან ერთ კილომეტრამდე ზემოთ, მაღლობზე მიწიდან სამეტრნალო წყალი ამოჩქვს. დიდი ხანია ამ წყალის სასწაულოქმედებაზე იცოდნენ ლეჩხუმში და გადასახლებული სოფლიდან აქაურობას შემოაჩენილი ერთადერთი ოჯახის წყალობით, ვისაც როგორ შეეძლო მოდიოდა, ღამეს ამ ოჯახში ათევდნენ, წყალს შუა ცეცხლზე ათბობდნენ და აბაზანებს ისე იღებდნენ, მაგრამ მაინც კმაყოფილები ბრუნდებოდნენ უკან.

ვინ იცის, რამდენს ჰქონდა ამ წყალთ საარგებლობის სურვილი, მაგრამ იქ შექმნილი პირობები უკან ახევენება.

და აი, — უკვე მესამე წელია, რაც აქაურობას პატონი გაუჩნდა, ირგვლივ ლაპარაკი ტყით გარშემორტყმულ მომხიბლავ ფერდობზე კოტეჟების მშენებლობა დაიწყო. ამას კაპიტალი

ლური სასადილოს და სააბაზანოს მშენებლობა მოჰყვა, კეთილმოეწყო მისასვლელი გზა და პირველი ავტოსტადიონი კურორტმა „ლაპარაკი“ დამსვენებელი მიიღო.

ჩვენ კი აქაურობას სეზონის

დაწყებიდან ერთი თვის შემდეგ ვესტუმრეთ. კურორტზე ჯერჯერობით სულ 50 კაცს შეუძლია დასვენება.

შევხვედით და ვესაუბრეთ დამსვენებლებს:

ნათელა უჩაძე (ქუთაისიდან): სახსრების ტკივილი, გულის მოღუწება მაწუხებს, უკვე მესამე დღეა, რაც მოსული ვარ, სამი აბაზანა მივიღე და დღეს უკვე ძალიან კარგად ვგრძნობ თავს.

ნაზი სილაგაძე (ბარდნაღის საშუალო სკოლის მასწავლებელი): რევატილი დაავადება მაწუხებს, მე-6 დღეა რაც აქ ვარ და საგრძნობლად გაუმჯობესებულ მდგომარეობას ვგრძნობ.

თამარ ჰაბუკიანი (გორიდან): ნერვოზით ვარ დაავადებული, აუტანელი ტკივილები მაწუხებს წელის არეში, მაღალი წნევა

ჩამოვლი, მე-8 დღეა, აქა ვარ და წნევა უკვე ნორმალური მაქვს, ტკივილებმაც საგრძნობლად მიკლო.

საქმიანი ფუნქციის კურორტის კლინიკურ-დიაგნოსტიკურ კაბინეტში, კურორტოლოგიის ინსტიტუტის ექიმს ირინა ჰაბაშვილს, ბიოქიმიკოს ლამარა წიკლაურს და უფროს ლაბორანტს ეთერ სამხარაძეს ავადმყოფების მიღება აქვთ. როგორც გვითხრეს, მას შემდეგ, რაც აქაურობა

ბას კოოპერატივი „ლაპარაკი“ დაეპატრონა და კურორტის მშენებლობას საფუძველი ჩაეყარა, პარალელურად კურორტოლოგიის ინსტიტუტი წყლის ლაბორატორიულ ანალიზს ატარებდა. ამ ხნის მანძილზე უკვე გამოკვლეულია წყლის შემადგენლობა, მისი სამკურნალო თვისება კუჭ-ნაწლავზე და ამ მხრივ ძალიან კარგი შედეგია მიღებული — წყალი კარგად მოქმედებს კუჭის დაავადების, კოლიტის, შაქრიანი დიაბეტის დროს. ახლა კი თითქმის ერთი თვეა, რაც ადგილზე ვახდენთ დაკვირვებას სახსრების რევმატიული დაავადების, ართროზების დროს წყლის ზემოქმედებაზე. სად არ ვყოფილვართ, მაგრამ ასეთი მრავალმხრივი ზემოქმედების, ძლიერი წყალი არ შეგვხვედრია, რომ იყოს რექტალური შხაპების

პირობები, წყალი საუკეთესოა გინეკოლოგიური დაავადებების დროსაც.

კურორტოლოგიის ინსტიტუტის პროფესორი ალექსანდრე რომაქიძე პერიოდულად ჩამოდის, ახდენს დაკვირვებას ავადმყოფებზე და ატარებს კონსულტაციებს. აქ ადგილზე ახდენენ ღვიძლის ფუნქციის განსაზღვრას. ბიოქიმიკოსი ლამარა წიკლაური შაქრის განმსაზღვრელი აპარატის გლუკომეტრის საშუალებით დამსვენებლის სისხლში გლუკოზის განსაზღვრას ახდენდა, ხოლო ექიმი ირინა ჰაბაშვილი და უფროსი ლაბორანტი ეთერ სამხარაძე ავადმყოფს გულის დატვირთვით კარდიოგრაფიულად დანერგ.

—წყალი იმდენად ძლიერ მოქმედებს, რომ დღეში ერთი აბაზანის მეტი არ შეიძლება, ნაკადი 15 დღიანია, მაგრამ თითქმის სამი აბაზანის მიღების შემდეგ ავადმყოფები სახლში წასვლას ითხოვენ.

კურორტის სულისჩამდგმელი და ორგანიზატორია კოოპერატივი „ლაპარაკი“ (თავმჯდომარე რ. მანდარია). პერსპექტივაში უახლოეს პერიოდში 300 ადგილიანი კაპიტალური დასასვენებელი სახლის აშენება, სპორტ-

ული ბაზების მოწყობა და კვების ბლოკის გაფართოება. ჯერჯერობით აქ ხის სამი კოტეჯია.

ახლა, რაც შეეხება კურორტის სამეურნეო მხარეს, დამსვენებლები კმაყოფილი არიან კვებითა და დასვენებისათვის საჭირო სხვა აუცილებელი პირობებით. ყველა სახის პროდუქტებს ბაზარზე ყიდულობენ, მაგრამ მომავალში განზრახული აქვთ საკუთარი ძალებით ნაწარმოები პროდუქტებით მოამარაგონ კურორტი, კოოპერატივი უსახელოურის მევენახეობის საბჭოთა მეურნეობის ტერიტორიაზე და ჯერჯერობით მათ განკარგულებაში 8 ჰექტარი სახნავ-სათესია, სადაც დათესილი აქვთ სიმინდი, ჭყავთ მეურნეობისაგან იჯარით აღებული მეღორეობის ფერმა. ფერმაში 300 სული დიდ-პატარა ღორია, სამეურნეო საქმიანობის გაფართოებით, მიწის რაციონალური გამოყენებით, მომსახურე პერსონალის დასაქმებით ცდილობენ გააფართოონ სამეურნეო საქმიანობა. ასე, რომ საქმე დასაწყისზეა. ჯერ კიდევ წინა აქვთ კოოპერატივის წევრებს, მაგრამ რაც გაეთდა დასაწყისში კარგია და ჩანაფიქრის განხორციელებას, კურორტის გაზრდა-გაფართოებას აღარაფერი დაუდგება წინ.

ბ. ჩარკვიანი,
ჯ. მანდარია.

„ლაპარაკი“ დამსვენებელი პირობა

მოღის ახალი სასწავლო წელი

ამა თუ იმ ქვეყნის ეკონომიკური განვითარების ძირითადი განმსაზღვრელი ფაქტორი იყო, არის და მომავალშიც იქნება მუშათა კლასი, მათი პროფესიული მომზადების მაღალი დონე.

ჩვენი პრესის, რადიოსა და ტელევიზიის საშუალებებით სისტემატურად ვკითხულობთ და ვისმენთ მოწინავე კაპიტალისტურ ქვეყნებში თუ რა ინტერესით ეკიდებიან ახალგაზრდა სპეციალისტების მომზადების საქმეს. გული გვწყდება, რომ ჩვენთან ბევრს ლაპარაკობენ

რომ პროფტექნიკურ სისტემაში აუცილებელია რადიკალური გარდაქმნები.

ცაგერის №91 სოფლის პროფტექნიკური სასწავლებელი, რომელიც 14 წელია ფუნქციონირებს, ძირითადი მიზნის — მაღალხარისხიანი, პროფესიული კადრის მომზადების საქმეში, აწყდება წარმოუდგენლად დიდ სირთულეებს, რომელთა ნაწილი ასეთია:

სასწავლებელში თავს იყრის მოსწავლეთა 80-90 პროცენტი იმ ახალგაზრდებისა, რომელთაც არ შეუძლიათ სასწავლო პრო-

ტექნიკური ბაზა და სპეციალისტ-აღმზრდელები იძლევიან იმის პირობას, რომ სახალხო მეურნეობას მოვეუზნადოთ კვალიფიკაციური მუშახელი. იმის გამო, რომ საერთოდ გატეხილი აქვს ავტორიტეტი ასეთი ტიპის სასწავლებლებს, ჩვენს სასწავლებელში შემომსვლელთა მსურველი თითზე ჩამოსათვლელია, მაგრამ სასწავლო წლის გვიან დაწყებამ შეიძლება ჩვენს სასწავლებელს სარგებლობა მოუტანოს.

მიმდინარე წელს ვეცდებით განვახორციელოთ მრავალი სიახლე, რომელთაგან ერთ-ერთია 9 კლასდამთავრებულთათვის, ნაცვლად სამწლიანი სწავლებისა ორწლიანი სწავლება. მოსწავლეები და მათი მშობლები, რომლებიც მოისურვებენ დაეუფლონ მარტო პროფესიის, ისინი არ ისწავლიან ზოგადსაგანმანათლებლო საგნებს და არ მიეცემათ საშუალო განათლების ატესტატი. იქნება აგრეთვე 9-კლასდამთავრებულთათვის სამწლიანი სწავლება, სადაც კურსდამთავრებული მიიღებს საშუალო განათლების ატესტატს და დიპლომს სპეციალობის მიხედვით.

თუ მოსწავლეები და მშობლები არ სიახლეს ღრმად ჩასწვდებიან, ვფიქრობთ მათ სასარგებლოდ ბევრი რამ გაკეთდება. ახალი სასწავლო წლიდან განზრახული გაქვს გავხსნათ მღვიან-მემაწკანეთა, მქსოველთა და სხვა კურსები.

სასწავლებლის დირექციას უფლება აქვს გახსნას ყველა სახის სპეციალობის კურსები, თუ კი მსურველი 15 კაცი მაინც იქნება.

სასწავლებელში ახალი სასწავლო წლიდან მოსწავლეთა მიღება იწარმოებს 9-კლასდამთავრებულთათვის შემდეგ სპეციალობებზე:

ფართო პროფილის ტრაქტორისტ-მემანქანე; მშენებლობის ოსტატი; მეცხოველე.

საშუალო სკოლის კურსდამთავრებულთათვის გვექნება ორი დარგი: ავტომანქანის შემკეთებელი, ზეინკალ-ავტომანქანის მძღოლი, ცხოველების ვეტდამუშავების ოპერატორი და ქიმიურ-ბაქტერიოლოგიური ანალიზის ლაბორანტები.

სასწავლებლის დირექცია თხოვს რაიონის მოსწავლე-ახალგაზრდობას, მშობლებს კარგად გაეცნონ სასწავლებლის ყოფისა და ცხოვრების შინაარსს და ისარგებლონ ამ სასწავლებლის სიკეთით.

ჯ. მიქაძე,
№91 პროფესიულ-ტექნიკური სასწავლებლის დირექტორი.

დამოგზავნა და

ცაგერის რაიონი

საპარტბელოს სიმტკიცის და ერთიანობის საფუძველი ნამდვილი ქართული ოჯახი იყო. ყოველთვის, ერის სიძლიერე — მრავალი შვილი. ოჯახის შექმნის აუცილებლობა თაობიდან თაობაში მტკიცე, დაუწყებელ კანონად გადადიოდა. ახლა კი ერთბაშად გამყინვარებამ იჩინა თავი. ერთ დროს შედმილიონიანი ერი სამ მილიონამდე დავედით. მოგვეძალენ შინაბერები და ბერბიკები. სულ ახლახან გაზეთი „7 დღე“ წერდა: საქართველოში 85 ათასი გაუთხოვარი ქალია, 85 ათას ქალს პოტენციურად შეუძლია გახდეს დედა. აი, ასეთი არასახარბილო დემოგრაფიული პრობლემის წინაშე ვდგავართ. რაღა მთელს საქართველოს გადავწყვედით, თვალწინ საშინელი მაგალითი გვიდგას ჩვენი რაიონის

ნათქვამია. ურემი დიდი ხანია გადაბრუნებულია, მაგრამ ახლა მაინც არ ჩანს ერთ-ერთმა ახალგაზრდამ ინტერესი, რომელიც თავის რეკლამა უნდა წავიწყოთ. ხუმარბაქი იქნება, მაგრამ სინტერესოა, რა უშლის ხელს ახალგაზრდებს, ან რატომ იკავებენ თავს. გადავწყვიტე შევხედოდი მათ გარკვეულ ნაწილს და გულახდილ დიალოგში საბოლოოდ გარკვეულიყო ამ პრობლემის თავი და ბოლო. რიგ შემთხვევებში თვით თანამოსაუბრეების თხოვნით მოვერიდე კონკრეტული პიროვნებების დასახელებას. თუმცა ამას არცაა აქვს მნიშვნელობა, მთავარია მიზეზები და პრობლემები. მომიტევონ უფრო სოლიდური ასაკის წარმომადგენლებმა, რადგან შეგნებულად ავიარე თავი მათთან ამ მტკივნეულ საკითხზე საუბარს, თუმცა, თვითონაც არ გამოუხატავთ ამის დიდი სურვილი. „ჯოხი ისევ 20-

მოღით, კიდე პრთხელ მსალოთ!

სახით. რაიონის დემოგრაფიული პრობლემებით დაინტერესებულმა სტატისტიკის განყოფილებამ მასალები მოვიძიე. ის, რასაც ქვემოთ იხილავს ჩვენი მკითხველი, ალბათ, უზომო გაოცებას და სინანულს გამოიწვევს. ვარჩიე ზუსტი ციფრები, რადგან ეს უფრო ნათლად წარმოაჩენს პრობლემის არსს მთელი სიგრძე-სიგანით.

რაიონში სულ 6299 მამაკაცი და 7897 ქალია, ქვერეზია 256 კაცი, 973 — ქალი, განქორწინებულია 30 კაცი და 98 ქალი.

შარშან რაიონს შეემატა 146 ახალშობილი, აქედან იანვრიდან სექტემბრამდე პერიოდში 99, წელს ამავე პერიოდში 113 ბავშვი შეემატა რაიონს, მაგრამ ამ ციფრებმა თვალი არ უნდა აგვიხვიოს, რადგან სხვა წლებთან შედარებით შობადობის ტემპი თანდათან კლებულობს.

ინტერესმოკლებული არ იქნება ალბათ ისიც, თუ როგორ ცვალებადობს დასაქორწინებელ ადამიანთა რიცხვი ასაკის ცვალებადობასთან ერთად.

15-19 წლამდე ასაკისათვის დაუქორწინებელია მამაკაცი — 556, ქალი — 494, 20-24 წლამდე ასაკისათვის — მამაკაცი — 442, ქალი — 237, 15-29 წლამდე ასაკისათვის — მამაკაცი — 318, ქალი — 130, 30-34 წლამდე ასაკისათვის — მამაკაცი — 150, ქალი — 75, 35-39 წლამდე ასაკისათვის — მამაკაცი — 66, ქალი — 42, 40-44 წლამდე ასაკისათვის — მამაკაცი — 21, ქალი — 41, 45-49 წლამდე ასაკისათვის — მამაკაცი — 28, ქალი — 50, 50-54 წლამდე ასაკისათვის — მამაკაცი — 24, ქალი — 50, 55-59 წლამდე ასაკისათვის — მამაკაცი — 22, ქალი — 80, 60-64 წლამდე ასაკისათვის — მამაკაცი — 25, ქალი — 84, 65-68 წლის ასაკისათვის — მამაკაცი — 5, ქალი — 47, 78 და მეტი წლის ასაკისათვის — მამაკაცი — 4, ქალი — 1.

კომენტარი ზედმეტია, ამ მშრალი ციფრებიდანაც ნათლად ჩანს, თუ რა მწვავე დემოგრაფიული მდგომარეობაა რაიონში, გვიანდა არის წუწუნი იმის შესახებ, თუ რა დონემდე მივედით. ურემი რომ გადაბრუნდება, გზა მერე გამოჩნდება.

დან 40 წლამდე ასაკის ხალხზე გადავყავართ.

პირველი შეკითხვა, რომლითაც მათ მივმართე:

— რატომ არ დაოჯახდით? — არაფერს მითხოვა და იმიტომ (ფ. ბ.)

ალბათ ჩემმა ოჯახურმა პირობებმა ითამაშა ამაში გადამწყვეტი როლი (მ. ბ.)

— სასტიკი წუთია ვარ, შესაფერისი ვერაფერი ვნახე, თავს რა თქმა უნდა, არ ვიპართლებ, გათხოვება მაინც არ გადამიფიქრია (ლ. მ.)

მამაკაცების უმრავლესობამ მიზეზად მატერიალური წყაროების უქონლობა დაასახელა. ოჯახს რჩენა სჭირდება, ხოლო ამის საშუალებას არაფრით არ იძლევა ჩვენს რაიონში (და მთელი საქართველოს მასშტაბითაც) არსებული შრომითი ანაზღაურება.

— ძირითადი მიზეზი, რამაც ხელი შევიშალა?

— ძნელი სათქმელია, სახლ-კარს, ოჯახს — ყველაფერს ანგარიში უნდა გაეწიოს, მოსაზროვნე ვერაფერი ვნახე. ისევ 30 წლისა აუცილებლად დაქორწინებული ვიქნები (გ. ს.)

— ცოტა ძნელია ამაზე ლაპარაკი, ვიცი, რომ ოჯახის შექმნა აუცილებელია. დღეს ძალიან ძნელია პირადად ჩემთვის, ვიპოვნო ისეთი ადამიანი, ვინც ცხოვრების მეგობრობას გამიწევს. გოგონების უმეტესობა ყურადღებას მხოლოდ მატერიალურ ფასეულობას აქცევს, მზა მზარეულ ცხოვრებას ეძებს, მე გვერდში ამოდგომ ადამიანს ვარჩევ, რომელიც ჩემთან ერთად შეეცდება ცხოვრების შექმნას (გ. კ.)

— არ ვიცი, 10 წელი ველოდე, ახლა თვალში უნდა დავხუჭო და ველოდო როგორი შემხედვება შეიძლება ბედნიერი ვიყო, შეიძლება პირიქითაც უზედური. (მ. ს.)

— არ შემიგვდრია მამაკაცი, რომელსაც შევყავარებდი. მოვალეობის მოხდის მიზნით კი ოჯახის შექმნა ისუსტულედ მიმაჩნია (მ. ბ.)

(დასასრული მე-4 გვერდში)

სიხლე სწავლებასში

პროფესიულ-ტექნიკური განათლების მნიშვნელობაზე, სპეციალისტთა მომზადების სისტემის სრულყოფაზე, მაგრამ პრაქტიკულად არაფერი კეთდება. პირიქით, ბოლო წლებში გარდაქმნის ნაცვლად განუქითხობა და უპასუხისმგებლობაა როგორც მოსწავლეთა, ისე მშობელთა და მოსწავლეებელთა მხრიდან.

დღეს თეორიულად ყველამ იცის, რომ მაღალკვალიფიკაციური მუშა ქმნის მაღალი ხარისხის პროდუქციას. ასეთ მუშებს უნდა ამზადებდნენ პროფესიულ-ტექნიკური სასწავლებლები, მაგრამ თუ კავშირის მასშტაბით ჩვენ ვერცერთ სფეროში ვერ ვამზადებთ მაღალი ხარისხის პროდუქციას, ეს პირდაპირ მიუთითებს პროფესიულ-ტექნიკური სისტემის სასწავლებლების სუსტ მუშაობაზე, ახალგაზრდობის პროფესიულ დახელოვნებაში არსებულ სერიოზულ ნაკლოვანებებზე.

ყველა მშობელს, სასწავლებელს, წარმოება-დაწესებულებათა ხელმძღვანელს სურს ყავდეს მაღალი კვალიფიკაციის შვილები, მოსწავლეები, მუშები, მოსამსახურეები, მაგრამ არცერთი მხარე არ ანგარიშობს თუ რა გააკეთა, ან რას აკეთებს ამ მიმართულებით. პასუხისმგებელი მუშაკები ტრიბუნადან თუ პრესიდან გულამოსკენილი გოდებენ, რომ გვექონდა შეცდომები ახალგაზრდობის პროფესიული მომზადების საქმეში და რომ საჭიროა მათი გამოსწორება, მაგრამ პირიქით ხდება, არამც თუ სწორდება რაიმე, არამედ კიდევ მეტი არე-დარევა, უპასუხისმგებლობა და ანარქია გაგვფეთა ამ სისტემაში.

ჩემი ხუთი წლის მუშაობის გამოცდილებით ვრწმუნდები,

გრამების სრულად ათვისება, ისმება კითხვა — რატომ ვღებულობთ სასწავლებელში ასეთ ახალგაზრდობას? ასეთებს გვიგზავნის რაიონის სკოლები. ჩვენ კი მიღების გეგმა გვაქვს და მეტი გამოსავალი ამ ეტაპზე არ არის.

მოსწავლეთა ცოდნის დონე რომ დაბალია, ბუნებრივია, სასწავლო-სააღმზრდელო პროცესიც დაბალია, ხოლო უხეშობისა და მოსწავლისათვის შეუფერებელი საქციელის გამოვლინებანი ხშირია, რადგან ჩვენთან გზავნიან ძნელად აღსაზრდელ და წესრიგის დამრღვევ ახალგაზრდებს, რაც გვიძნელებს მუშაობას.

მოსწავლეთა ასეთ კონტიგენტს წარმოშობს ახალგაზრდებისადმი მშობელთა ზედამხედველობის დაბალი დონე. ბევრი ისეთი მშობელი გვყავს, რომელიც არც ერთხელ არ დაინტერესებულა მოსულიყო სასწავლებელში და გაეგო თავისი შვილების ამბავი. მშობელთა ასეთი დამოკიდებულება თავიანთი შვილებისადმი ჩვენს სასწავლებელში არ შექმნილა, იგი მომდინარეობს რაიონის სკოლებიდან, რომლებმაც არსებითად უნდა გარდაქმნან მშობლებთან მუშაობა.

სასწავლებლის დირექცია ადრინდვე შეუდგა ახალი 1990-1991 სასწავლო წლისათვის მზადებას. სასწავლებლის შენობა-ნაგებობებს ჩაუტარდა მიმდინარე რემონტი. შემოვზიდეთ საჭირო რაოდენობის სათბობი მასალა. უკვე მივიღეთ 21.000 მანეთის საჭირო საქონელი და ინვენტარ-მოწყობილობა. სასწავლებელი ძირითადად დაკომპლექტებულია შესაბამისი კადრით. სასწავლებლის მატერიალურ-

ვლის ფორმით, მათთვის შექმნილია ყველა პირობა კარგი სწავლისათვის.

სკოლა სრულყოფილად მზადაა ზამთრის გათბობისათვის, რაშიც დიდი დახმარება გაგვიწია სახალხო დეპუტატთა ქვედა ცაგერის სასოფლო საბჭომ, სახელმწიფო სატყეო მეურნეობის ცაგერის სატყეო უბნის მუშაკებმა. უკვე შემოზიდულია შეშა უზრუნველგვყოფს მთელი ზამთრის სეზონზე.

ნაოლინა სალინაძე,
გვესოს დაწყებითი სკოლის გამგე.

მომგადაჯული პსევდონიმით

დაწყებითი სკოლა საფუძველია განათლების შემდგომი საფეხურის. სოფელ გვესოს მცხოვრებნი ყოველწლიურად ხმარობენ შეუქმნან ნორმალური პირობები იქ არსებულ დაწყებით სკოლას. იგი მცირეკომპლექტისაა, არის ოთხივე კლასი, აქვს საჭირო რაოდენობის ოთახები, შესაფერისი დგამ-ავეჯი.

მოსწავლეთა მშობლები

მხარში გვიდგანან პედაგოგებს. მათი ინიციატივითა და უშუალო მონაწილეობით სკოლას არდადეგების პერიოდში ჩაუტარეთ მიმდინარე რემონტი, ეზო შემორაგვეულია მავთულბადით. მოწყობილი გვაქვს ყვავილნარი. ეზოში სანიმუშო სისუფთავეა. ესთეტიკურად მიმზიდველი პატარებისათვის.

სკოლის მიკრორაიონში მცხოვრები ყველა ბავშვი ჩაბმულია სწავლებაში. ისინი მომარაგებული არიან სასწავლო სახელმძღვანელოებით, ნივთებითა და მოსწა-

მოღიო, კიდე პრესა მსალოო!

(დასასრული).

—ჩემი თავის რჩენის საშუალებაც არა მაქვს, ანდაზისა არ იყოს. „მკვდარი მკვდარს აუცილო“, ისე იქნებოდა ჩემი საქმე (გ. მ.).

ჩემს ბოლო შეკითხვებზე—თელით თუ არა საკუთარ თავს დამნაშავედ? თითქმის ყველა მათგანმა უარი განმცხადა და საპირისპირო კატეგორია დაადასტურა, გარდა ამისა აღნიშნეს, რომ სწავლით თუ სამსახურით დატვირთულები ვეღარ იცლიან პირადი პრობლემების მოსაგვარებლად. რადიკალურად განსხვავებულ მოსაზრებას წაუყვლი შედარებით მცირე ასაკის წარმომადგენლებთან საუბარში.

—სწავლაზე თუ სამსახურზე რაც წინსვლაზე წინ მე მაინც ოჯახის შექმნის აუცილებლობას ვაყენებ. (ბ. გ. 18 წლის).

ალბათ შეკითხვებიც დარწმუნდება, რომ პასუხები სრულიად განსხვავებული, ზოგჯერ ურთიერთსაპირისპირო ხასიათისა, მაგრამ მათში მაინც ნათლად იკვეთება ორი მომენტი:
1. არა მაქვს ამის მყარი მატერიალური საფუძველი.
2. ვერ ვნახე შესაფერისი აღამიანი.

პირველი საკითხის მოგვარება საკმაოდ ძნელი საქმეა, რადგან იგი მრავალ პრობლემასთან არის დაკავშირებული. ხოლო რაც შეეხება მეორეს, ამის შესახებ საკუთარი მოსაზრების გამოთქმა ვთხოვე ახალგაზრდობის კავშირის თავმჯდომარის მოადგილეს მარინე სვანიძეს:

—მრავალი სხვადასხვა გასართობი ღონისძიებით, და არა ერთხელ, ვცადეთ შეგვექმნა ახალგაზრდული კლუბი, სადაც მოეხდინებოდა ახალგაზრდობის გაცნობა-დაახლოებას. ყველაფერი უშედეგოდ დამთავრდა, არ ვიცი რა იყო ამის მიზეზი, ზედმეტი უნტერესობა, გარკვეული თვალსაზრისით პროვინციულობა, თუ კიდეც სხვა რამ. უკვე აღარც ვცდილობთ რამის გაკეთებას.

—იქნებ ბოლო ცდამ გაამართლოს?—გაითხე. მარინე ცოტა ხანს დაფიქრდა და მიპასუხა:

—კარგი, მოღიო, კიდე ერთხელ ვცადოთ!

მადონა მასაროზიძე,
თბილისის ივ. ჯავახიშვილის სახელობის სახელმწიფო უნივერსიტეტის ჟურნალისტიკის ფაკულტეტის დაუსრულებელი განყოფილების II კურსის სტუდენტი.

მიღება პესტრასენსთან

ტრადიციული და სახალხო მედიცინის საკავშირო სამეცნიერო კვლევითი ინსტიტუტის კურსდამთავრებული ბიოგენეროლოგი-ტერაპევტიკი ჯეგუაძე ხსნის ბუნებრივი მკურნალობის კაბინეტს ცენტრის პროფესორ-კვლევის საერთო საცხოვრებლის ბაზაზე. უნდა შეიქმნას ჯგუფი 30 კაცის შემადგენლობით, ექსტრასენსი მკურნალობის მაქსიმალური დოზა, სიმსუქნის, კოლიტის, ალერგიის, დისბაქტერიოზის, მარილების დაგროვების, ნაღვლის ბუშტის, ნერვული, ლიმფური, კუნთოვლის, საშარდე სისტემის დაავადებებს და სხვა.

საერთო შეხვედრა და ჯგუფში ჩაწერა მოხდება 29-30 სექტემბერს, 18 საათიდან 20 საათამდე.

მსურველებმა უნდა წარმოადგინონ სამედიცინო ლაბორატორიული ანალიზები:

შარდის საერთო, სისხლის საერთო; პროტრობინზე და შაქარზე; კუჭის მუცელიანობაზე; აგრეთვე, 4 ცალი ფოტოსურათი, ზომით 5X6. მისამართი: დავით აღმაშენებლის ქ. №90.

ს. მიქაძე

„მედიკოსი“

დავით კაკიბონის ქა კოვალთან

გილოცავთ დაბადების 60 წლისთავს. გისურვებთ ჯანმრთელობას, ხანგრძლივ სიცოცხლეს, წარმატებებს თქვენს საქმიანობაში.

ცაგერის რაიონის სახალხო განათლების განყოფილების თანამშრომლები.

დავით კაკიბონის ქა კოვალთან

გილოცავთ დაბადების 60 წლისთავს. გისურვებთ ჯანმრთელობას, ბედნიერებას, ხანგრძლივ სიცოცხლეს. გრიშა, ლამარა, ჯაჯა ჩიქოვანები.

ჯადოქარი ტარასოვი



მანუალო თერაპიის შეუდარებელი სპეციალისტი იურია ტარასოვი, რუსეთის „ჯადოქარი“ ორდენის წევრი. მოსკოვის თეატრ „ერმიტაჟში“ მოწყობილ საღამოზე იგი დამსწრეთა თვალწინ დაეხმარა საყრდენ-მამოძრავებელი სისტემის დაავადებით შეწუხებულ პაციენტებს.

იური ტარასოვი ახლა ლენინგრადშია გასტროლზე, შემდეგ კი... თვალი მიადევნეთ აფიშებს. სურათზე: იური ტარასოვი ატარებს მკურნალობის სეანს თეატრ „ერმიტაჟში“.

რ. ნაზარეძის ფოტო.

მცირე საზარმოებს — მწვანე ქუჩა

სსრ კავშირის მინისტრთა საბჭომ მიიღო დადგენილება მცირე საწარმოთა შექმნისა და განვითარების ღონისძიებათა შესახებ.

საბჭოთა კავშირის სამინისტროებსა და უწყებებს, მოკავშირე და ავტონომიური რესპუბლიკების მინისტრთა საბჭოებს, სახალხო დეპუტატების ადგილობრივი საბჭოების აღმასკომებს და ევალთ მხარი დაუჭირონ მცირე საწარმოებს მათი შექმნაში, მატერიალურ-ტექნიკურ უზრუნველყოფაში, თავისუფალი საწარმოო სიმძლავრეების, გამოუყენებელი მანქანებისა და მოწყობილობის, დაკონსერვებული

დაუმთავრებელი ობიექტებისა და ნაგებობების მიყიდვისა და იჯარით გადაცემაში. განზრახულია 1990 წლის პირველ დეკემბრამდე შეიმუშაონ და დაამტკიცონ მცირე საწარმოებისათვის საგარეო-ეკონომიკურ საქმიანობაში დახმარების გაწყის ღონისძიებანი.

გადაწყვეტილია აგრეთვე სსრ კავშირის მინისტრთა საბჭოს ეკონომიკური რეფორმების სახელმწიფო კომისიასთან შეიქმნას მცირე მეწარმეობისადმი დახმარების კომიტეტი.

რეგულირებად საბაზრო ურთიერთობაზე გადასვლა, მეწარმეობისადმი მხარდაჭე-

რა მოითხოვს მცირე საწარმოთა ქსელის დაჩქარებულ შექმნას, რომელსაც უნარი ექნება გაააქტიუროს ეკონომიკის სტრუქტურული გარდაქმნა, მისცემს არჩევანის ფართო თავისუფლებას და დამატებით სამუშაო ადგილებს. უზრუნველყოფს ხარჯების სწრაფ ანაზღაურებას, მომხმარებლის მოთხოვნების ცვლილებაზე მოახდენს სწრაფ რეაგირებას. ამ ფორმის მეწარმეობის განვითარებამ ხელი უნდა შეუწყოს ბაზრის საქონლითა და მომსახურებით დაკმაყოფილებას, დარგობრივი და რეგიონალური მონოპოლიზმის გაძალადებას, კონკურენციის განვითარებას, სამეცნიერო-ტექნიკური პროგრესის მიღწევათა ფართო გამოყენებას, საექსპერტო პოტენციალის ამაღლებას.

(საქინფორმი)

რედაქტორი

ნ. ნემსაძე.



ნანი ჯუმაბერის ასულ მუშაუდიანს
გიორგი დუბას ქა მაზანაშვილს

გილოცავთ ბედნიერებას, სიყვარული და სიხარული ყოფილიყოს თქვენი ცხოვრების თანამგზავრი.

საქართველოს ახალგაზრდული კავშირის ცაგერის რაიონული ორგანიზაციის თანამშრომლები.

ნინო აბაქის ასულ დავითილიანს
ვიტალი სულიკოს ქა ფილიაშვილს

გილოცავთ ბედნიერებას. გისურვებთ ფუძემდებელი ოჯახის შექმნას, შეილთა სიმრავლეს და უღრეს სიხარულს.

ცაგერის ადგილობრივი წევრობის კომიტეტის თანამშრომლები.

როზა ვიშკოს ასულ ქიზიაძეს
გოჩა შოთას ქა ბანაძეაძეს

გილოცავთ ბედნიერებას. დალოცვილი ყოფილიყოს თქვენი ფუძე, შეილთა სიმრავლეს გაეხარებინოს თქვენი ახლადშექმნილი ოჯახი.

ალბანის სამკერვალო ფაბრიკის №2 ბრიგადის თანამშრომლები.

მეუღლე ჭიჭიკო, შეილები როზეტა, ზოია, ამირანი, თემური, ჯონი, ჯეირან სილაგაძეები, დანიკო კუხალაშვილი, რძლები ნონა, გულო, ნანა, შორენა, სიძეები გივი ლურსმანაშვილი, ომარ ფხაკაძე, მულები ბაბი, ნინა, ბიძაშვილები თინა, ქეთო, მარლენ თავაძეები, შეილიშვილები, დისშვილები, მულისშვილები ოჯახებით იუწყებიან, რომ გარდაიცვალა პაშა სერაპიონის ასული თავაძე-სილაგაძე. დაკრძალვა 23 სექტემბერს, კვირას, სოფ მახაშში.

ბაბუცა, გრიშა ბენიძეები, ყორა, ვაჟა, ანზორ მუშუკიძეები ოჯახებით იუწყებიან, რომ გარდაიცვალა შოთა ივანეს ძე იოსელიანი.

ჩვენი მისამართი: 384100 ცაგერი, ლენინის ქ. №56. ტელეფონები: რედაქტორის—22-31, რედაქტორის მოადგილის — 22-35, პასუხისმგებელი მდივნის—22-34, სახალხო მეურნეობის განყოფილების—22-36, მშრომელთა წერილების განყოფილების—23-41 საკორექტოროს—22-43. სტამბის დირექტორის —22-17, სამეცნიერო სამსახურს—22-23, გაზეთის გამოცემის სამსახურს, ხელშემატის, შაბათს, შაბათს, შაბათს №105, ტირაჟი 4183

საქართველოს სსრ ბეჭდვითი სატყვის სახელმწიფო კომიტეტი

ქუთაისის პოლიგრაფიული გაერთიანების ცაგერის სტამბა.